

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Foru Gobernu Kontseiluaren 105/2020 Erabakia, otsailaren 25ekoa. Onespena ematea Arabako Foru Aldundiko Administrazio Orokorreko karrerako funtzionarioentzat gordetako lanpostuen zerrendaren aldaketari

Enplegatu Publikoaren Oinarrizko Estatutuaren apirilaren 12ko 7/2007 Legearen testu bategina onesten duen urriaren 30eko 5/2015 Legegintzako Errege Dekretuak 74. artikuluan adierazten du administrazio publikoek beren antolaketa lanpostu zerrenden edo antzeko antolamendu tresnen bidez egituratuko dutela.

Euskal Funtzio Publikoaren 6/1989 Legeak honela dio zioen adierazpenean: "Legeak sistemaren egituraketak oinarri duen muintzat jartzen ditu lanpostu zerrendak, administrazio karrerako funtsezko elementu, lansari sistemaren ardatzik garrantzizkoen eta, batez ere, administrazio egiturak arrazoibidetzeko eragile bilakatuz. Lanpostuak eratzeko erabili behar diren funtsezko irizpideak eta prozedura bideak ezartzen ditu legeak, baina lanpostu zerrenda horiek erakundearen beharren benetako adierazpide izan behar dute beti eta horretan datza horien indarra. Ondorioz, lanpostu zerrenda horiek izaera dinamikoa dute eta horrek administrazio publikoaren helburuak betetzeak eskatzen duen etengabeko egokitze prozesuari jarraitu beharra dakar, beharrak aldatuz baitoaz".

Antolamendu egituren, eskumenen eta lanpostuei esleitutako eginkizunen berezko eboluzioak beharrezko egiten du lanpostu zerrenda era egokian moldatzea eta aldatzea eta, ondorioz, lanpostu bakoitzean jarduteko gaitasunak eta betekizunak ere bai.

Lanpostuak sortzeko ahalmena ematen duen aurrekontu gaitzeari dagokionez, kontuan hartu behar da zer xedatzen duen Lurralde Historikoaren 2020rako Aurrekontua gauzatzeko abenduaren 17ko 24/2019 Foru Arauak, langileen kudeaketari buruzko 24.2, 24.3, 24.4 eta 24.5 artikuluetan:

"2020ko ekitaldian, lanpostuen zerrenda aldatzeko espedienteak honako kasu hauetan besterik ez dira onartuko: ez da gastu gehikuntzarik sortu beharko, edo sortuz gero, kasuan kasuko gehikuntza bestelako lanpostuetarako kredituak murriztuz konpentsatu beharko da eta aurretik Ogasun, Finantza eta Aurrekontu Sailaren aldeko txostena beharko da.

Foru sektore publikoko erakundeen aurrekontu plantillaren muga erakunde horietako langile funtzionario eta lan kontratudun langile finkoen plazen guztirako agregatuari dagokio.

Muga horrek ez du eraginik izango epailearen aginduz edo eskumen berriak eskuratzearen ondorioz edo kanporatutako edo azpikontratutako zerbitzuen zuzeneko kudeaketa hartzearen ondorioz sortzen edo aldatzen diren lanpostuetan. Era berean, ez da aplikatuko foru sektore publikoan aurretik harreman finkoa eta mugagabea duen langile funtzionarioa edo lan kontratuduna kontratatzen denean, ez egiturako lanpostuak edo plazak finkatzen direnean, ez eta foru arauak aldarrikatzen direnean, ez Gobernu Kontseiluak abagunekoak ez diren planak, programak eta jarduketa garrantzitsuak onartzen dituenen ere, behar den moduko finantzaketa eduki ezean eta funtzio publikoaren arloan eskumena duen organoak aldeko txostena eman ondoren (txostenak adierazi behar du ez dagoela lanpostu atxikipen ez langile esleipen berririk egiterik eta ezinezkoa dela langileak arrazionalizatzeko eta antolatzeke bestelako neurririk aplikatzea).

Halaber, artikuluko honetako 2. ataleko muga ez da aplikatuko honako hauek sortzean: sei plaza Arabako Foru Aldundiko Administrazio Orokorrean –horietako bosten helburua da egiturazko plazak edo lanpostuak betetzea eta bat sortu egingo da gobernu irekiaren politikaren ondoriozko funtzioak betetzeko–...".

Sail desberdinetako egiturazko beharrianen bilakaera ikusirik, egiaztatu da egokia dela zenbait programa finkatzea, zeintzuen eginkizunak egiturazkoak baitira eta ezin izan baitituzte bete plantillako gainerakoek. Horregatik, beharrezkoa da lanpostu zerrenda aldatzea, haien eginkizunei jarraitasuna emateko honako lanpostu hauek sortzeko:

Alde batetik, lanpostu berri bat Bide Azpiegituren eta Mugikortasunaren Sailean, Garraioa Ikuskatzeko Zerbitzuaren Unitateko eginkizunak finkatzearen ondorioz; zehazki Garraio Zerbitzuko teknikari lanpostua (1166.008).

Beste alde batetik, beste lanpostu bat Diputatu Nagusiaren Sailean, Euskararen eta Gobernu Irekiaren Zuzendaritzan, egiturazko eginkizunak finkatzearen ondorioz ere; zehazki sare eta harreman sozialen kudeatzaile lanpostu bat (1599.002).

Azkenik, Ogasun Zuzendaritzan, eta zehazki, Pertsona Fisikoen Errentaren eta Ondasunen gaineko Zergaren Atalean, Zeharkako Zergetako administrari likidatzaile lanpostua (1342.002) amortizatzeko eskatu da, behin titularra erretirata. Horren orde, zerbitzu berean, Zuzeneko Zergetako zerga kudeaketa teknikari (1157.030) lanpostu bat sortzeko proposatu da.

I. eta II. eranskinetan zehazten dira, hurrenez hurren, amortizatzeko eta sortzeko proposatzen diren lanpostuen ezaugarriak.

Alegazio izapidea bete da eta negoziazioa gauzatu da sindikatuetakordezkariekin, honako arau hauetan xedatutakoaren arabera: urriaren 30eko 5/2015 Legegintzako Errege Dekretua, zeinak onesten baitu enplegatu publikoaren oinarrizko estatutuaren legearen testu bateratua, eta Eusko Jaurlaritzaren apirilaren 15eko 86/1997 Dekretua, zeinak arautzen baitu Euskal Autonomia Erkidegoko herri administrazioetan euskararen erabilera normalizatzeko prozesua.

Aginduzko txostenak ikusita eta horiek direla bide, Enplegu, Merkataritza eta Turismo Sustapenaren eta Foru Administrazioaren Saileko diputatuak proposatuta, eta kontuan izanik honako hauek ezarritakoa: Euskal Funtzio Publikoaren uztailaren 6ko 6/1989 Legearen 6.1.e) artikulua, Arabako Foru Aldundiaren sailak zehazten dituen diputatu nagusiaren uztailaren 3ko 132/2015 Foru Dekretua, funtzio publikoaren eskumenak ezartzen dituen Diputatuen Kontseiluaren uztailaren 30eko 154/1993 Foru Dekretua eta funtzio publikoan eskumena duen sailaren egitura organiko eta funtzionala onesten duen otsailaren 9ko 10/2016 Foru Dekretua, honako hau

ERABAKITZEN DUT

Lehenengoa. Onespena ematea Arabako Foru Aldundiko karrerako funtzionarioentzat gordetako lanpostuen zerrenda aldatzeari, alegia:

- I. eranskinean jasotzen diren lanpostuak amortizatzea.
- II. eranskinean jasotzen diren lanpostuak sortzea.

Bigarrena. Erabaki honek Gobernu Kontseiluak onesten duen egunaren hurrengotik aurrera izango ditu ondorioak, ALHAOn argitaratzen den eguna gorabehera.

Hirugarrena. Erabaki honen aurka administrazioarekiko auzi errekurtsua jarri ahal izango da, argitaratu eta hurrengo egunetik hasita bi hilabeteko epean, Gasteizko Administrazioarekiko Auzi Errekurtsioetarako Epaitegiaren aurrean, edo bestela, berraztertze errekurtsua jarri ahal da, hilabeteko epean, ebazpena eman duen erakundearen beraren aurrean; hori guztia, Administrazioarekiko Auzien Jurisdikzioa arautzen duen uztailaren 13ko 29/1998 Legearen 46.1. artikuluan aurreikusitakoaren arabera, eta Administrazio Publikoaren Administrazio Prozedura.

Gasteiz, 2020ko otsailaren 25a

Diputatu nagusia


RAMIRO GONZÁLEZ VICENTE

Bigarren diputatu nagusiordea eta Enplegu, Merkataritza eta Turismo Sustapenaren eta Foru Administrazioaren Saileko foru diputatua

CRISTINA GONZÁLEZ CALVAR

Funtzio Publikoko zuzendaria

ADOLFO LANDER VERA

 <p>Arabako Foru Aldundia Diputación Foral de Alava</p>		<p style="text-align: center;">I. ERANSKINA LANPOSTUEN ZERRENDA LANPOSTUAK KENTZEA</p>													
KODEA	IZENA	MOTA	DEJERREG.		BET.	LANPOSTUAN JARDUTEKO BALDINTZAK						ORDAINSARIAK		LANTOKI HERRIA	
			BZT.	EZORD.		ESKALA	IKASKETA	HIZKUNTZA	BERARIAZKO EZAGUPENAK	D.O	BERARIAZKO OSAGARRIA				
			JARD.	JARD.	ERA.	ADM.	TALDEA	AZPIESKALA	TITULUAK	ESKAKIZUNA	ESKAKIZUNA	MAILA			
<p>20 Saila OGASUNA, FINANTZAK ETA AURREKONTUAK</p> <p>20.1 Zuzendaritza OGASUNA</p> <p>20.1.05 Zerbitzua ZUZENEKO ZERGAK</p> <p>20.1.05.2 Atala PERTSONA FISIKOEN ERRENTAREN ETA ONDAREAREN GAINEKO ZERGAK</p>															
1342.002	ZUZENEKO ZERGETAKO	EB	B	L	AFA	A 2 C 1	12		2	19	20.916,70		VITORIA-GASTEIZ		
	ADMINISTRARILIKIDATZAILA						221								
														Lanpostu Totala:	1

KODEA	IZENA	MOTA	DEJERREG.		BET.	ERA.	LANPOSTUAN JARDUTEKO BALDINTZAK			ORDAINSARIAK		LANTOKI HERRIA	
			BZT.	PREST.			ESKALA	IKASKETA	HIZKUNTZA	BERARIAZKO	D.O		BERARIAZKO
			JARD.	JARD.			ADIM.	TALDEA	ESKAKIZUNA	EZAGUPENAK	MAILA		OSAGARRIA
02 Saila DIPUTATU NAGUSIA													
02.4 Zuzendaritza EUSKARA ETA GOBERNU IREKIA													
1599.002	SARE ETA HARREMAN SOZIALEN KUDEATZAILA	EB B	3	L	AFA	A.2 C.1	12	221	3	01/01/2020	19	21.866,65	VITORIA-GASTEIZ
20 Saila OGASUNA, FINANTZAK ETA AURREKONTUAK													
20.1 Zuzendaritza OGASUNA													
20.1.05 Zerbitzua ZUZENEKO ZERGAK													
20.1.05.2 Atala PERTSONA FISIKOEN ERRENTAREN ETA ONDAREAREN GAINEKO ZERGAK													
1157.030	ZUZENEKO ZERGETAKO ZERGA KUDEAKETA TEKNIKARIA	EB B	L	AFA	A.1	11	221	3	25	31.182,90	25	31.182,90	VITORIA-GASTEIZ
50 Saila BIDE AZPIEGITURAK ETA MUGIKORTASUNA													
50.2 Zuzendaritza MUGIKORTASUN ETA GARRAIOAK													
50.2.02 Zerbitzua GARRAIOAK IKUSKATZEKO													
1166.008	GARRAIO ZERBITZUKO TEKNIKARIA	EB B	L	AFA	A.1	11	211	240	240	3	25	31.182,90	VITORIA-GASTEIZ
Lanpostu Totala:												3	

Literalen taula, ALHAOn (27 zk.) argitaratutakoa, 2019ko martxoaren 4an